

Wambuzi Isabazinga Omufere

Author - Alice Nakasango

Illustration - Marleen Visser

Language - Lusoga

Level - First paragraphs

© Text: Uganda Community Libraries Association (Ugcla) Artwork:

African Storybook Initiative 2015

Creative Commons: Attribution 4.0

Source www.africanstorybook.org

Original source <http://ugcla.org>

ASb
approved



Wambuzi Isabazinga Omufere

Alice Nakasango

Marleen Visser



Agho olwatuuka, yabaayo
embuzi eyayetebwanga
Igodhoobe. Wambuzi Igodhoobe
yali Kyabazinga wa kyayiro kya
ba wansolo ni ba wanhonhi.
Yalinga mu bulamu bulungi.
Lwaali lunaku lulala, Wambuzi
Igodhoobe yaayeta ba wansolo
ni ba wanhonhi bonaboona mu
kyayiro ku lwekobano.




"Mikwaano gyange, mbeese lwa
kuba nafunie ekilooto,"
Igodhoobe Kyabazinga bwe
yakoba. Bonaboona ba wansolo
ni ba wanhonhi baasiriikirira.
Baaghulirisa Kyabazinga na
bwegendereza.



Okuva no olwo, buli mbuzi eloba
okuva mu kifo bwe esikulwa.
Eloghooza eti ogighaluza
kugitwaala mu mbuga ya
Kyabazinga.



"Naloose nga bangi abe ekika
kyaife bafiire lwa kuba bazira
mmere na maadhi!" Kyabazinga
Igodhoobe bwe yakoba. Ba
Wansolo ni ba wanhonhi bwe
baaghulira ekilooto, beelaliikirira
inho. "Kiki kye twidha okukola
buti?" Puusi bwe yabuuza.




Wankoko ni Wambaati baaleeta ekiloghoozo. Era baakoba bati, "Buli mulala ku ife aleete emmere era agite mu kyagyi kya Kyabazinga." Bonaboona ba wansolo baikirizagania ne ekiloghoozo kino.



Wante yaasiba Wambuzi Igodhoobe ku mukira gwe. Meeni yaaghaluza Igodhoobe okumutwaala ewa Kyabazinga. Wantaama, Wambaati, Iseekooko ni Wankoko baalenkaana nga Wante ekulubeesa Wambuzi Igodhoobe. Bonaboona balenkaanira kulala bati, "Twaala embudyadya eye nkandya eno ewa Kyabazinga waife omuyaaka!"



"Twidha kukusiba ne emiguwa era tukutwaale ye Kyabazinga omuyaaka," Wantaama ni isseekooko bwe baakoba.




Kyabazinga Igodhoobe yaakola eiteeka. Yaalagira ati, "Mufune emiguwa. Musibe buli oyo ataaleete mmere mu kyagyi kyange era mumuleete yendi."




Oluvainhuma lwa kino, kyali
kiseera kya Igodhoobe
okumalaku ekisandha kye ekya
obwakyabazinga. Bonaboona ba
wansolo ni ba wanhonhi abo
omumaka baakungaana
baalonda Puusi okuba
Kyabazinga omuyaaka.



Ba wansolo bwe baagya
okutwaala Wambuzi Igodhoobe,
iye yali atyaime ku ntebe nga na
amagulu asazeeku. Wante
yaatyaama kumpi ni Wambuzi
Igodhoobe era yaamukobera
Kyabazinga omuyaaka kya
akobye. "Tiidha kugya ya Puusi.
Ezira Kyabazinga wundi
okutoolaku Nze. Bwo ofuuka
Kyabazinga, oba Kyabazinga
buliidho," Wambuzi Igodhoobe
bwe vaigamu.



Bonaboona ba wansolo baaseka
era baikiriza bati Wambuzi
Igodhoobe ali nookutwaala
emmere mu kyagi kya
Kyabazinga omuyaaka. Puusi,
Kyabazinga omuyaaka yaalagira
Wambuzi Igodhoobe okwidha
yaali.




Aye Wambuzi Igodhoobe
yaaloba okwikiriza Puusi nti ni
Kyabazinga. "Ndi Kyabazinga.
Era ezira Kyabazinga wundi.
Tisobola kwikiririza mu kisolo
kindi," Wambuzi Igodhoobe bwe
yakoba.



Kyabazinga omuyaaka yaalagira ebisolo bitwaale emmere mu kyagyi kya Kyabazinga omuyaaka. Aye Wambuzi Igodhoobe tiyatwaala mmere waire. "Wambuzi Igodhoobe bwe yali Kyabazinga, ife twenatweena twamugondhera. Buti iye tayenda kugondhera Kyabazinga omuyaaka. Kiki kye tugya okumukola?" Wante ni Wankoko bwe baabuuza.



Wantaama yaabuuza, "Yakoba ki? Ati olya inho? Yali aloghooza ati aidha kuba Kyabazinga wa lubeerera?" Me Wantaama yaayongeraku ati, "Akitegeere ati takaali Kyabazinga buti. Tiidhi lwaki yeefula owe ekitalo."




Wambiidhi yaakoba, "Iye bwe yali Kyabazinga, yakobera bakwaano ati nze ndya inho. Aye nze nalinga mu nnimiro ye nga nnima na ku iluula mu duuma na bulo bwe."



Ba Wansolo ni ba wanhonhi bonaboona abo omumaka baali basungughavu. "Iye aloghooza ati wandhaghulo inho ku ife," Ba wansolo ni ba wanhonhi bonaboona bwe baabuuza.



Wambwa yaakoba,
"Namuyamba bwe yali
Kyabazinga. Tinatendukanga
bwire. Nga ntambula eno ne ere
okumuyamba."



Wantaama yaakoba, "Nze
naamugha ebyooya byange
okubwika abaana be."